

Tinige' yan Inarekklan: Siñot Juan Babauta Chaco
Fecha: Lunes, diha 31 gi Ineru, 2005 na sâkkan (3/11/05)

"I tai hinekkok na hâga"
I trongkon I familia-ku

I tai hinekkok na hâga'
(I trongkon I familia-ku)

Introdâkshun: Dândan ha'.....

- I. Un diha ha na' malago' yu, na para bai hu ketungo',
Hâfa taimanu esti i apiyidu-hu, ginen I Guella-ku yan I Guello-ku,
Sa' dos pátte este i apiyidu-hu, ginen as Nanâ-hu yan si Tatâ-hu,
Sa' ginen este i apiyidu-niha, na humuyong i Babauta yan i Chaco.
- II. Pues i fine'nana bida-hu u tuge' pâpa', gi i pappet, i na'an-hu,
Ya hu tuge' ta'lo i na'an-niha, na'an Tatâ-hu yan si Nanâ-hu,
Hu kontinuha tumuge' ta'lo I na'an-niha, I Guella-ku yan I Guello-ku,
Sa' hu kekesodda' este pâ'go, put este i trongkon I familia-ku.

Koru: Ya maolke pâ'go, na hu tungo', ginen i pappet ni ma nâ'i yu',
Espinosa, Rivera, Quintanilla, San Nicolas, Patricio yan i Delgado,
Sablan, Eguiguan, Santos, Muna yan kontodu na i Taimanglo.
Este siha na âpuyidu, muna' posipble nai na gaige yu'.

Musiku: Dândan ha'.....

- III. Bula, pâ'go na familia, sigi ha' di makeketungo',
Hâyi i Guello yan I Guellan-niha, tâtte gi i tiempon i mantigu,
Sa' maolek lokkue' na un tungo' hâyi siha i familia-mu,
Sa' i taihinekkok na hâga', ginen i trongkon i familia-mu.
- IV. Un tutuhon nai gi ya hâgu, yan kontodo i familia-mu,
Despues espiha gi iya Mangilao, gi i halom i MARC siempre na kuationto,
Ya un na hâlom gi i Kampu'ta, I apiyidon-niha, i Mañaina-mu,
Desdi tâtte gi tiempon I Españot yan i US CENSUS gi I 1920 ta'lo.

Koru: (Ripiti ta'lo) (dos biâhe)
Ya maolek pâ'go, na hu tungo', ginen i pappet ni ma nâ'i yu',
Espinosa, Rivera, Quintanilla, San Nicolas, Patricio yan i Delgado,
Sablan, Eguiguan, Santos, Muna yan kontodu na i Taimanglo.
Este siha na âpuyidu, muna' posipble nai na gaige yu'.